



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Joannis Schefferi Argentoratensis De Re Vehiculari Veterum Libri Duo

Scheffer, Johannes

Francofurti, 1671

Lectori Benivolos.

**urn:nbn:de:hbz:466:1-13156**



## LECTORI BENIVOLO S.

**Q**uem hic primus edo, libellum industriae debes viri eruditissimi amicissimi que nobis, Domini Andreae Nicolai Norcopenfis, Eloquentiae in hac Academia Professoris destinati, qui cum Romae descriptum ex Codice variorum Pyrrhi Ligorii operum, quos instructissima CHRISTINÆ Regina bibliotheca servat, ad nos amice transmissit. Ut eum ederem, praecipue me impulit, quod scirem neminem alium, qui hoc argumentum ex professo tractavit. Deinde, quod auctorem ejus in existimatione magna esse apud Italos didicissem. Ita namque praeter alios Pignorius, vir celeberrimus, de eo in Epistolis: Pyrrhus Ligorius Neapolitanus & Aeneas Vicus Parmensis gemini Soles praeluxerunt vetustati illustrandae. Ille in quadraginta libros conjecerat, quicquid pervenerat ad nos à vetere aëvo. Meminitque ipse hujusce laboris à se exantlati, productique à Saturno, Rege Italiae, ad Justinianum usque Augustum, in libello Italicè scripto editoque, cui titulum fecit: Antiquitates Romanas. Hinc illi jure & merito obtigit, ut à doctissimis viris ipse calamo & penicillo praestans honorificentissimis elogiis appellaretur, ab Onuphrio Panvinio, ab Hieronymo Mercuriali, ab Antonio Augustino & Stephano Pighio. Verum hujus libri lucem publicam non aspexerunt, & cum magno quidem rei litterariae detrimento. Hæc Pignorius, quæ profecto quemlibet ad publicanda, si quæ Ligoriana veniunt in manus, possunt invitare. Quanquam autem Pyrrhus merito laudetur, quod ingenti animo tam vastum argumentum sibi sumserit tractandum, ac in cæteris fortasse dignum sese laude ista præstiterit, tamen in opusculo praesenti pene nil invenio, quod æquare titulos tantos valeat. Quod non gratis à me dici, facile ostendent NOTÆ à me additæ, quibus simul apparebit, utrum supervacua fuerit nostra in expoliendo praesenti argumento post celeberrimum Ligorium industria. Vale, studiisque nostris fave.

PYR-